

§ 48. Homo audacissimus pertimuit, loquacissimus
ommutuit.

Vehementer expressit vim conscientiae, cum et loquacissimo
verba defuerint et inpudentia nihil audacissimo patrocinata sit.

§ 49. In duplum iret.
5

Dupli sponsonem faceret.

§ 51. Qui tunc te nudus delectaverat, semper nudum
esse voluisti.

Asperrime hoc in mores Deciani, ut avaritiam probro
illi daret et inpudicitiam, quippe dicit eundem Lysaniam 10
efebum placuisse Deciano propter gratiam corporis nudum
eundemque postea omnibus fortunis spoliatum; utrumque
igitur aspergit infamia.

Eum spe recuperandi fundi paterni venire ad
testimonium dicendum coëgisti.
15

Artificialiter et dignitatem personis testium derogat
et falsum dicendi causas interponit, ut nihil in totum
religiosae fidei relinquatur.

Quidnam sit dicturus, exspecto.

... Praevenitur ab oratore imminens testimonium, ut 20
aut nihil conari ad mentiendum audeant aut, priusquam
dixerint, refellantur. Suspendit tamen et ipse responsionem,
ne absurdum faceret copiosius exsequendo eam rem, quae
non erat ab teste prolata.

§ 52. Trallianos causam publicam Maeandrio, ho- 25
mini sordido, commisisse.

‘**Υπέκβασις** fit ad refutandum publicum testimonium
Trallianorum. Et bene praemisit orator habere quandam
se et fratrem suum cum eodem populo necessitudinem, ut,
quidquid adversus eos dixerit, necessitate fidei coactus 30
dixisse videatur. Acutissime praeterea omnis auctoritas
publica, quae adesse poterat civitati, deducitur in planum,